

## Evening Dogri (NSD) Bulletin 25-05-2024

### आकाशवाणी

खास खबरां ....

- 1 लोकसभा चुनाएं दे 6में गेड़ लेई मतदान होआ।.....तगर .....फीसदी मतदान दी जानकारी ऐ।
- 2 बंगलादेश ते पच्छमी बंगाल दे तटें पर अद्धी रातीं तगर चक्रवाती तूफान रेमल दे जिमीं पर पुज्जने दी संभावना ऐ।
- 3 बिहार च लोकसभा चुनाएं दे 7में ते खीरले गेड़ लेई प्रचार च आई तेजी।
- 4 मालद्वीप भारत दी रू-पे सेवा गी तौले शुरू करने लेई तैआर ऐ।
- 5 मलेशिया मास्टर्स बैडमिंटन दे महिला सिंगल्स फाइनल लेई पी.वी.सिंधु नै जबरदस्त प्रदर्शन करदे होई अपनी थाहर पक्की करी लैती ऐ।

<><><><><><>

### 6<sup>th</sup> Phase

लोकसभा चुनाएं दे 6में गेड़ लेई मतदान प्रक्रिया जारी ऐ। इस गेड़ तैहत 6एं राज्यें ते दऊं केन्द्र शासत प्रदेशें दिएं 58 संसदीय हल्कें च वोट पाए जा'रदे न। इस गेड़ च बिहार दी 8 सीटें, हरियाणा दी सब्बै 10 सीटें, झारखंड दी 4 सीटें, दिल्ली दी सब्बै 7 सीटें, ओडिशा दी 6 सीटें, उत्तर प्रदेश दी 14 सीटें, पच्छिम बंगाल दी 8 सीटें ते जम्मू कश्मीर दी इक सीट पर मतदान होआ'रदा ऐ। मतदान बडलै 7 बजे थमां शुरू होई गेआ हा ते संजा 6 बजे सम्पन्न होई गेआ ऐ। दपैहरी 1 बजे तगर 39 फीसद थमां बद्ध मतदाता मतदान करी चुके दे न। इस गेड़ च तकरीबन 589 मेदवार चुनां मैदान च उतरे दे न, जिंदे भविक्ख अज्ज ईवीएम च बंद होई जाग। इंदे च बीजेपी दे बड्डे नेता धर्मेन्द्र प्रधान, मेनका गांधी, मनोहर लाल खट्टर ते मनोज तिवारी ते कांग्रेस नेता दीपेन्द्र सिंह हुड्डा,

कुमारी शैलजा, राज बब्बर ते कनैहया कुमार शामिल न। समाजवादी पार्टी थमां धर्मेन्द्र यादव ते पीडीपी दी प्रमुख महबूबा मुफ्ती बी मैदान च न। इस गेड़ तैहत 1 लख 14 जहार मतदान केन्द्रें च 11 करोड़ शा बद्ध मतदाता मतदान करने दे योग्य न। चुनाव आयोग नै रमानदारी ते बवस्था आले ढंगै कन्नै मतदान करोआने लेई सब्बै लोड़चदे प्रबंध कीते दे न। चुनाव निकाय नै खास तौरा पर दिलली, गुड़गांव ते फरीदाबाद जनेह शैहरी केन्द्रें च वोटरें गी सौहगा कीता जे ओह अपने वोट पाने दे अधिकार दा इस्तेमाल करन ते शैहरी उदासीनता गी त्रोड़न। एहदे कन्नै गै ओडिशा विधानसभा दी 42 सीटें लेई त्रिए गेड़ च मतदान होआ। एहदे अलावा हरियाणा च करनाल सीट ते उत्तर प्रदेश च गैंसारी क्षेत्र लेई असैंबली उप-चुनां बी होआ'रदे न।

<><><><><><>

## Delhi Voting President

राष्ट्रीय राजधानी दिल्ली च राष्ट्रपति द्रौपदी मुर्मू ते उपराष्ट्रपति जगदीप धनखड़, दिल्ली दे मुखमन्त्री अरविंद केजरीवाल होर बी मुख चेहरें च शामिल हे, जिनें लोकसभा चुनाव दे 6में गेड़ च मतदान दे शुरूआती घैंटे च वोट पाया। उकांग्रेस दियां वरिष्ठ नेता सोनिया गांधी, राहुल गांधी ते प्रियंका गांधी ते केन्द्री मन्त्री डॉ. एस.जयशंकर, ते हरदीप पुरी, दिल्ली दे मन्त्री ते आप नेता आतिशि, मुख चुनाव आयुक्त राजीव कुमार होरें बी दिल्ली दे बक्ख-बक्ख बूथें पर अपने वोट पाने दे अधिकार दा इस्तेमाल कीता। एहदे अलावा गृह सचिव अजय भल्ला, सीपीआईएम नेता बृंदा करात, बीजेपी मेदवार मनोज तिवारी ते कांग्रेस मेदवार उदित राज होरें बी मतदान कीता।

<><><><><><>

## Rajouri Voting

राजौरी जिले च अनंतनाग-राजौरी लोकसभा नशीस्तें लेई बड़ा मता मतदान होआ। अनंतनाग-राजौरी पार्लिमानी हल्के लेई 6में गेड़ तैहत वोट पाए गे। मतदान प्रक्रिया बड़े बवस्था आले ढंगै सिर सम्पन्न होई। लोकवाद दे सिद्धांते पर टुरने दे धैइयै गी होर पक्का करदे होई लोक पूरे उत्साह ते जज्बे कन्नै अपने घरें शा निकलियै मतदान करन आए। मतदान प्रक्रिया च हिस्सा लेंदे'लै पैहली बारी मतदान करा'रदे नोजवानें ते बर्जुर्ग मतदाताएं च खासा जोश दिक्खने गी लब्भा।



## Poonch Voting

अज्ज करापेआए गेदे पार्लिमानी चुनाएं च बन्ने आले पुंछ जिले च देगवार तेरवान आले मतदान केन्द्र नंबर 39 च मतदाताएं दी खासी भीड़ दिक्खी गई। बडलै मतदान प्रक्रिया शुरू होने कशा पैहले गै मतदाता मतदान केन्द्रें च लम्मिएं-लम्मिएं रींगें च खड़ोते दे लब्भे। मतदाताएं दा एह जज्बा, भौगोलिक स्थिति करी उनेंगी पेश चुनौतिएं दे बावजूद, लोकतंत्र गी सशस्त्र करने दे उंदे धेइयै गी बांदे करदा ऐ। देगवार तेरवान मतदान केन्द्र बन्ने कन्ने लगदे इलाके च स्थित ऐ जित्थें सुरक्षा दे पुख्ता प्रबंध कीते गेदे हे। मतदाताएं दियां रींगां बड़ी तगड़ेयाई कन्नै एह स्नेहा दिंदियां सेही होआ'रदियां हियां जे समुदाय नै अपनी आवाज बुलंद करने दी पक्क ध्यायी दी ऐ। स्थानीय प्रशासन ते चुनां अधिकारिण चुनां प्रक्रिया गी सुरक्षित ते असरदार ढंगै सिर करोआने लेई व्यापक इंतजाम कीते दे हे। बन्ने पर रौहने आले मतदाताएं दी वोट पाने आली प्रक्रिया सखल्ली करने लेई विशेष इंतजाम कीते गेदे हे।



PM

प्रधानमंत्री ते बीजेपी दे बड्डे नेता नरेन्द्र मोदी होरें अज्ज इंडी गठबंधन दी पार्टिएं गी मौका परस्त ते वंशवादी पार्टिएं दा गठबंधन करने दा दोष लाया। पाटलीपुत्र संसदीय क्षेत्र दे विक्रम च इक जनसभा गी संबोधत करदे होई बी मोदी होरें आखेआ जे इंडी गठबंधन साम्प्रदायिक, जातिवाद ते वंशवादी गठबंधन ऐ।

<><><><><><>

## IMD

भारत दे मौसम विभाग नै अज्ज आखेआ ऐ जे बंगाल दी पूर्वी-मध्य खाड़ी उप्पर बने दे “डूंहगे दवाब” अज्ज सइनां तगर चक्रवाती तूफान च तब्दील होने दी संभावना ऐ। मौसम विभाग नै इक ब्यान च आखेआ ऐ जे चक्रवाती तूफान रेमल अद्धी रातीं बंगलादेश ते पच्छमी बंगाल दे तटें बश्कार पार होइयै इक जबरदस्त चक्रवाती तूफान च तब्दील होने दी शैका ऐ। इस गी भ्यालै च रखदे होई पच्छम बंगाल च भारी थमां मती भारी बरखा पौने दी संभावना ऐ। उत्तरी ओडिशा ते तटीय इलाके च केई हिस्सें च भारी बरखा होइ सकदी ऐ। उत्तर-पूर्वी राज्यें दे किश इलाकें च भारी बरखा पौने दी चेतावनी बी जारी कीती गेदी ऐ। राष्ट्रीय संकट प्रबंधन कमेटी नै कल कैबिनेट सचिव राजीव गौबा हुंदी अध्यक्षता च इक बैठक लाई ते औने आले चक्रवाती तूफान लेई तैआरी दी समीक्षा कीती। पच्छम बंगाल दे मुख् सचिव होरें कमेटी गी चक्रवाती तूफान दे रस्ते च आवादी सुरक्षा-हिफाजत लेई कीती जा'रदी तैआरिएं आले उपाएं ते मकामी प्रशासन आस्सेआ कीते गेदे हीलें बारे जानकारी लैती। मच्छी फगड़ने आलें गी इस चक्रवाती तूफान गी दिक्खदे होई खबरदार कीता गेदा ऐ। जिला नियंत्रण कक्ष बी सक्रिय न ते हालात दी निगरानी कीती जा'रदी ऐ। लोड़चदा आसरमा बिजली सप्लाई, दुआइयां ते आपात सेवाएं गी तैआर रखेआ गेदा ऐ। राष्ट्रीय आपदा प्रतिक्रिया बल नै 12एं टीमें गी तैनात कीता ऐ ते 5 होर टीमें गी लोड़ पौने दी स्थिति च पिच्छे तैआर रखे दा ऐ। सेना, नौसेना ते तटरक्षक बल दी बचाह ते राहत टीमें दे कन्नो-कन्नी जहाजें ते विमानें गी बी अलर्ट पर रखेआ गेआ ऐ।

समुंद्र व जान-माल ते संपत्तिएं दे संभावित नुक्सान गी घट्ट शा घट्ट करने लेई रणनीतिक थाहरें उप्पर 9 आपात राहत टीमें गी तैनात कीता गेआ ऐ।



### Last Phase Campaigning

बिहार च लोकसभा चुनाएं दे 7में ते खीरले गेड़ लेई प्रचार अभियान च तेजी आई गेई ऐ। इस गेड़ च 8 लोकसभा हल्कें-पाटलीपुत्र, पटना, साहिब, बक्सर, नालंदा, काराकाट, आरा, सासाराम ते जहानाबाद च पैहली जून गी वोट पाए जाने न। जनता दल यूनाइटेड दे अध्यक्ष ते बिहार दे मुख्मन्त्री नीतिश कुमार होरें आरा निर्वाचन हल्के दे अगियान च राष्ट्रीय जनतांत्रिक गठबंधन दे मेदवार दे समर्थन च इक जनसभा गी संबोधत कीता। राष्ट्रीय जनता दल दे नेता तेजस्वी प्रसाद यादव होरें आरा ते नालंदा निर्वाचन क्षेत्र च बिहिया ते अस्थवा च जनसभा गी संबोधत कीता। ओहू चांडी, खुसरपुर, दानापुर ते बाख्तियार पुर च बी जनसभाएं गी संबोधत करगंन।



### Ru-Pay

कार्ड कन्नै भुगतान लेई भारत दी रू-पे सेवा मालद्वीप च तौले शुरू होग। एहदे नै मालद्वीप दी मुद्रा रूपिया गी मजबूती थ्होने दी संभावना ऐ। मालद्वीप दी मीडिया च आर्थिक विकास ते बपार मंत्री मोहम्मद सईद हुंदे हवाले कन्ने आखेआ गेआ ऐ जे रू-पे सेवा शुरू करने दा मकसद अमरीकी डॉलर पर निर्भता गी घट्ट करना ते इलाकाई भुगतान सरिस्ते गी निग्गर करना ऐ। श्री सईद होरें इस सिलसिले च दऊं हफते पैहले भारतीय उच्चायुक्त मुनु महावर हुंदे नै मलाटी कीती ही।



## Badminton

दऊं बारी दी ओलपिंक मैडल जेतु ते भारतीय खडारी पी.वी.सिंधु कुआलालमपुर च मलेशिया मास्टर्स बैडमिंटन प्रतियोगिता दे महिला सिंगल्स फाइनल च दाखल होई गई ऐ। भारत दी बैडमिंटन खडारी नै दुनिया दी 20में नंबर ते थाईलैंड दी खडारी बुसानन ऑंग-बेम-रूंग-फान पर पैहली गेम च 31-21, 21-16 ते 21-12 कन्नै हार दे मगरा जबरदस्त प्रदर्शन करदे होई जित्त हासल कीती। सिंधु दा मकाबला कल फाइनल च ची नदी खडारी झी यी बांग कन्नै होग। बांग नै सैमीफाइनल च अपने हमवतन यी मान झांग गी 21-9, 21-11 कन्नै हराया।

